



Pou Biblikasyon Imedya: 09/01/2024

GOUVÈNÈ KATHY HOCHUL

GOUVÈNÈ HOCHUL ANONSE INISYATIV POU TRANSFÒME AK RANFÒSE SWEN SANTE NAN ETA NEW YORK

Pwopozisyon Eta Leta a fè envestisman prensipal nan peyi a nan bezwen sosyal ki gen rapò ak sante pou manm Medicaid yo

Plis pase 200 milyon dola plis nan règleman opyoyid kòm yon pati nan apwòch Gouvènè a pou fè fas a kriz ovèdòz opyoyid

Lanse pwogram transfòmasyon rezo sekirite nan swen sante, ranfòse sekirite enfòmatik nan lopital

Ogmanter aksè a swen primè nan tout Eta New York, ogmanter opsyon asirans sante sou mache abòdab

Amelyore aksè a sèvis sante mantal ak adiksyon nan ogmanter kouvèti andeyò rezo a

Nan kad yon apwòch konplè pou amelyore sante ak byennèt Nouyòkè yo, Gouvènè Kathy Hochul te anonce jodi a inisyativ pou estabilize ak transfòme sistèm livrezon swen sante a, elaj aksè a asirans abòdab, amelyore swen sante primè ak preventif, epi pwoteje Nouyòkè yo kont dèt medikal k ap ogmanter yo.

"Chak Nouyòkè merite aksè a bon jan kalite swen sante abòdab," **Gouvènè Hochul te deklare.** "Envestisman yo ki prensipal nan peyi nou an ak chwa politik odasye yo pral pwoteje sante publik epi asire tout Nouyòkè yo ka jwenn aksè nan swen yo bezwen pou yo viv yon vi plen ak an sante."

Pandan de dènye ane yo, Gouvènè Hochul te fè envestisman plizyè milya dola nan lopital rezo sekirite (safety net) yo, te adopte pi gwo ogmantasyon to Medicaid yo nan plis pase yon deseni, epi li te anonce 2.6 milya dola nan finansman transfòmasyon kapital pou ede transfòme ak modènize enstalasyon swen sante New York yo. Anplis de sa, lejislasyon Gouvènè Hochul te siyen an se pou anpeche dèt medikal gen yon enpak negatif sou aksè Nouyòkè yo a kredi an 2023. Eta sou Leta 2024 la devwale yon ajennda swen sante odasye nan tout eta a ki baze sou envestisman vital sa yo.

Komisè Sante Eta New York la, Doktè James McDonald, te deklare, "Anba lidèchip Gouvènè Hochul, Eta New York te fè envestisman ki prensipal nan peyi a pou amelyore anpil swen sante. Lè nou envesti nan bezwen sosyal pou manm Medicaid yo ak pwogram transfòmasyon rezo sekirite swen sante yo, ranfòse sekirite enfòmatik lopital, epi adrese kriz opyoyid k ap kontinye, nou amelyore etablisman swen sante yo ak swen pasyan yo."

Fè Envestisman ki Prensipal nan Peyi an Bezwen Sosyal ki Gen Rapò ak Sante pou Manm Medicaid yo

Jodi a, Eta New York te resevwa apwobasyon nan men gouvènman federal la pou yon [amannman revolisyonè pou egzansyon Medicaid 1115](#) pou amelyore sistèm swen sante New York la. Kòm yon pati nan egzansyon sa a, New York pral elaji siyifikativman kouvèti asirans pou bezwen sosyal ki gen rapò ak sante pou benefisyè Medicaid yo, atravè pi gwo envestisman nan bezwen sosyal ki gen rapò ak sante Medicaid nan peyi a.

Sèvis ki garanti pou benefisyè pwogram ki elijib yo pral gen ladan sipò pou lojman (tankou relèv medikal ak sèvis pou kenbe lokasyon), manje ak nitrisyon (tankou konsèy sou nitrisyon ak repa yo bay nan kay), ak transpò ki nesesè pou konekte manm yo ak sèvis sosyal.

Konbat Kriz Ovèdòz Opyoyid ak Sipòte Nouyòkè k ap Lite Kont Adiksyon

Gouvènè Hochul ap nan tèt nasyon an nan zafè kantite – ak vitès kote – lajan yo te vin disponib atravè règleman yo te jwenn ak fabrikan opyoyid ki te mete [192 milyon dola](#) disponib pou abòde ovèdòz kriz opyoyid nan kominate ki pi afekte yo. Pandan ane 2023 a, Eta New York, ke Biwo Sèvis ak Sipò pou Adiksyon (Office of Addiction Services and Supports, OASAS) te dirije, te distribiye plizyè santèn milyon dola pou sipòte yon seri prevansyon, tretman, rediksyon domaj, ak sèvis rekiperasyon konplè ki fèt pou sipòte moun yo nan tout eta a. Anba direksyon Gouvènè Hochul, Eta New York pral dirije peyi a nan debouse plis pase 200 milyon dola anplis nan règleman opyoyid pou ranfòse ak sipòte mendèv pwofesyonèl tretman adiksyon yo, ogmante efò sansibilizasyon nan lari yo, epi distribiye plis naloksòn ak plizyè milyon lòt bandlèt tès zilazin ak fentanil ki sove lavi.

Anplis deplwamna lajan pou regleman an, Gouvènè Hochul pral pran lòt aksyon pou kontinye yon apwòch pratik pou abòde kriz sa a:

- Kontinye angajman pou triple kantite Sant Sante Konpòtmantal Kominotè Sètifye nan tout eta a anvan 2024.
- Pwopoze lejislasyon pou mete ajou kalandriye sibstans kontwole eta a pou ajoute nouvo analòg fentanil ak zilazin, epitou pou pèmèt founisè swen sante yo nan sal ijans yo bay jiska yon rezèv twa jou biprenòfin ki sove lavi.
- Mande Depatman Sante a pou yo fè sentèz done atravè plizyè sistèm enfòmasyon pou ranfòse siveyans, epi Gouvènè a pral pwopoze lejislasyon pou ogmante peryòd retansyon kote yo konsève done pasyan yo nan pwogram siveyans medikaman sou preskripsyon an.

Lanse Pwogram Transfòmasyon Rezo Sekirite Swen Sante a

New York gen ladan kèk nan enstitisyon swen sante ki pi enpòtan nan mond lan, men akòz plizyè faktè, twòp Nouyòkè manke aksè a bon jan kalite swen. Anba lidèchip Gouvènè Hochul, Eta New York pral transfòme sistèm livrezon swen sante a pou amelyore aksè, ekite, kalite, ak rezulta pasyan yo, pandan l ap ogmante dirabilite finansye tou. Kòm yon premye etap, Eta New York pral lanse Pwogram Transfòmasyon Rezo Sekirite Swen Sante a. Atravè pwogram sa a, New York pral ankouraje patenarya ki amelyore rezistans enstitisyon ki nan rezo sekirite yo.

Apwobasyon amannman egzansyon 1115 la te garanti tou plizyè milya dola finansman sou plizyè ane pou sipòte lopital nan rezo sekirite New York yo, epi ankouraje yo pou yo transfòme nan fason ki pral amelyore swen ak dirabilite finansye.

Ranfòse Sekirite Enfòmatik Lopital

Kantite atak enfòmatik nan Eta New York te ogmante 53% ant 2016 ak 2022. Atak enfòmatik yo gen yon enpak imedyat sou lopital yo soti nan kreyasyon detounman pasyan yo ak anilasyon pwosedi yo rive nan yon transfè dosye elektwonik vè dosye papye ki ralanti sèvis enpòtan yo. Nan mwa novanm 2023, Gouvènè Hochul te anonse règleman sekirite enfòmatik ki pi enpòtan nan peyi a pou lopital New York yo, ki te jwenn sipò 500 milyon dola nan finansman ane fiskal 2024 ki t ap sipòte lopital ak etablisman swen sante [nan amelyore sistèm teknoloji yo.](#)

Apati de sa, Eta New York pral reyalize yon tab wonn sou sekirite enfòmatik lopital New York pou pataje meyè pratik atravè lopital eta yo – pou asire etablisman swen sante yo gen non sèlman manda ak finansman ki nesesè yo, men tou, aplikasyon ak sipò operasyonèl yo bezwen pou ranfòse sistèm sekirite enfòmatik yo.

Ela ji Aksè nan Swen Primè

Malgre Eta New York genyen kèk nan pi ansyen ak pi distenge enstitisyon swen sante medikal ak rechèch nan mond lan, kounye a li klase kòm 28yèm nan nasyon an nan bay swen sante ki baze sou prevansyon ak tretman. Nan "dezè" swen sante yo, ki ka gen ladan kominote riral yo, aksè limite a swen prensipal mennen nan twòp depandans ak twòp moun nan sal ijans yo, sa ki afekte patisipan pwogram Medicaid yo yon fason ki pa pwopòsyonèl. Kòm rezulta, moun ki gen Medicaid gen mwens chans pou yo resevwa vaksen woutin oswa pou yo jere pwoblèm medikal yo yon fason efikas.

Ajennda swen sante Gouvènè Hochul la gen ladann plis aksè nan swen primè pou asire ekite sante atravè Eta New York. New York pral ogmante to Medicaid pou founisè k ap patisipe nan modèl inovatè swen primè nan eta a (Sant Medikal ki Santre sou Pasyan). Anplis de sa, pou pi byen entegre ak kowòdone sèvis sante mantal ak swen prensipal, New York pral ogmante sipò pou etablisman ki gen lisans Depatman Sante ak klinik prive k ap trete pwoblèm sante mantal yo. Pou asire aksè a swen pou gramoun ki gen bezwen konplèks, Medicaid pral ogmante pouvantaj ranbousman pou founisè swen sante k ap sèvi moun ki gen andikap fizik, entelektyèl oswa devlopmantal.

Ogmante Aksesibilite Opsyon Asirans Sante Eta New York

Plan asirans sante aksesib atravè [Mache Plan Sante Eta New York](#) bay pake benefis konplè, ki gen ladan swen preventif gratis (tankou vizit woutin nan biwo ak tès depistaj yo rekòmande), osi byen ke vizit doktè, sejou lopital, swen ijans ak lòt sèvis sante kle.

An 2023, Gouvènè Hochul te soumèt yon demann bay gouvènman federal la pou ogmante limit revni pou elijiblite Plan Esansyèl soti 200 a 250% liy federal povrete a (jiska 36,450 dola revni pa ane pou yon moun)– yon fwa li aplike, yo espere elaji kouvèti abòdab nan Plan Esansyèl (Essential Plan) la pou 100,000 Nouyòkè anplis. Se apèn premye etap la. New York pral ofri nouvo sibvansyon prim asirans sante pou rezidan ki enskri nan Plan Sante Kalifye, epitou li pral elimine pataj pri nan Plan Esansyèl la ak Plan Sante Kalifye pou vizit nan biwo, travay ak tès laboratwa, pwodui famasetik ak lòt founiti ak sèvis pou ankouraje pi bon jesyon kondisyon kwonik. Pou asire manm Plan Esansyèl ak Plan Sante Kalifye yo gen aksè a founisè swen sante yo bezwen yo, Depatman Sante (Department of Health, DOH) ak Depatman Sèvis Finansye (Department of Financial Services, DFS) pral revize ak mete ajou estanda apwopriye rezo founisè yo.

Amelyore Aksè nan Sèvis Sante Mantal

Gouvènè Hochul te anonse ke Depatman Sèvis Finansye (DFS) ak Depatman Sante (DOH) te pwopoze règleman pou elaji aksè nan sèvis sante mantal ak adiksyon lè yo etabli estanda apwopriye rezo pou konpayi asirans sante konpòtmantal yo. Lè randevou alè yo pa disponib pou pwoteksyon nan rezo a, Nouyòkè yo pral kapab ale andeyò rezo a pou sèvis sante mantal ak depandans nan pri ki nan rezo a.

Mete Fen nan Epidemi ki ka Evite

Depi 2014, Eta New York te poze baz pou mete fen nan epidemi ki ka evite yo atravè inisyativ Mete Fen nan Epidemi (Ending the Epidemic, ETE) – yon plan pou mete fen nan epidemi SIDA a epi reyalize premye diminisyon kay moun k ap viv ak VIH. An 2023, Gouvènè Hochul te pran aksyon pou anpeche yon ogmantasyon nan sifilis konjenital lè li te egzije tès depistaj twazyèm trimès pandan gwosès, epi te entwodwi lejislasyon pou fè tès depistaj plis Nouyòkè pou Epatit C (ki gen ladan moun ki ansent). Sepandan, malgre enpak fòmidab yo, toujou gen gwo diferans, sitou pami popilasyon fanm, Nwa ak Panyòl.

Gouvènè Hochul pral pran plizyè mezi pou fè avanse efò Eta a pou mete fen nan epidemi yo ka evite. Laboratwa yo pral oblige rapòte tout rezulta negatif tès VIH, Sifilis, Epatit B ak Epatit C pou amelyore entèvansyon ki sible yo epi abòde twou vid ki genyen nan tès yo. Gouvènè a pral pwopoze tou lejislasyon pou fè tès VIH yon pati woutin nan yon vizit chak ane. Pou rann li pi fasil pou Nouyòkè yo jwenn aksè nan swen epi anpeche plis transmisyon, Gouvènè a pral pwopoze lejislasyon pou pèmèt famasyen yo administre vaksen, tès depistaj ak bay medikaman pou MPOX (varyòl senj) ak PrEP (pwofilaksi anvan ekspozisyon), epi elaji wòl enfimyè ki anrejistre yo pou fasilité tès Epatit B. Finalman, pou adrese inegalite yo, pral gen plis envestisman nan itilizasyon PrEP nan kominate koulè yo atravè entèvansyon sible ak modèl livrezon inovatè tankou telesante ak kolaborasyon aprantisaj.

Amelyore Ekite ak Rezilta pou Sante Matènèl ak Tibebe Atravè Entèvansyon ki Baze sou Done

Eta a pran angajman pou l sèvi ak apwòch ki baze sou done pou enfòme efò pou diminye mòtalite tibebe ak matènèl. Depatman Sante a pral etabli nouvo kondisyon pou fè rapò pou plan swen jere Medicaid yo pou bay Eta a pi bon lide sou itilizasyon sèvis anvan akouchman ak apre akouchman esansyèl pasyan yo fè pou amelyore entèvansyon sib yo. Anplis de sa, Depatman Sante a pral travay ak lopital ak sant akouchman yo, atravè Kolaborasyon sou Kalite Perinatal la, pou devlope plan amelyorasyon ekite nan nesans ki pran an kont aspè rasyal ak kiltirèl ki baze sou rezilta ak evalyasyon sondaj Mezi Eksperyans Pasyan Rapòte (Patient Reported Experience Measure, PREM) yo. Finalman, Depatman Sante a pral reyini gwoup moun ki gen enterè rejyonal yo pou devlope rekòmandasyon pou pi byen vize efò pou diminye mòtalite timoun.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418